

Alibaba 2017

1.

D'Federi hät - a dä Benknerstrass - dä Schwiistall - abbrochä
Und a dä glichä Stell - än grossä Parkplatz - bauä
leider tüend au d'Auto - Gstank und Dreck - generierä
und dä Parkplatz tut sich - ideal für Besucher -vo dä Blue Bar – präsentierä

2.

Di weihig - vu dä Dröschi - isch än Erfolg - aber nüd nu - r dä Abau – isch rostig
nei au Stimmig - bi dä Verein - isch ziemlich frostig
bi dä Gmeindsversammlig - hät me de Vereinä- äs neus Probelokal - versprochä
doch kei einzige Verein - probet det - dä Markus hät üs eifach -zviel -
versprochä

3.

Daniela isch - nüd nur taff - nei – sie isch - au härzig
wer drümal - zur Wahl tritt - isch au ganz - hartnäckig
als Gemeinrötin - dörfsch dich - als Prinzessin föhlä
als Ortspräsidentin - wirsch sicher - dä Widerstand - vo dinä Rots --
Büffel - spüürä

4.

dä Christ - will sini Metzg - scho lang verchaufe - kei Käufer isch - in Sicht
Er seit sich – s'Läbä lang chrampfä – isch ja nüd – mini Pflicht
D'Asylante - und die vo de Gmeind - sind ja nüd grad - sini Kollegä
Doch das spielt jetzt - kei Rolle - schliesslich gohts ja - um sini Monetä

5.

Bi dä Krüzig - vu dä Dorfbrugg - isch immer nu - alles glich
Am Mittag im Stau - wirsch vor Hunger – fascht ä Lich
Bachabsenkig isch - gstorbä – defür wird d'stross - höher gleit
doch i derä Sach – isch vermutlich –s letscht Wortl – nunig gseit

6.

Alli anderä Gmeinde - händ gwählt - neui - Präsidentä
Nur üsä tut sich - eimol meh - als Dino - präsentierä
Trotz dä vielä Nebajobs - macht er D`arbet – eigentli recht gut
Doch i 4 Jahr - isch es denn – äntli - doch mol gnug

7.

I dä Vorderwengi gits - all paar Jahr - ä Pächterwechsel
Nü isch – d'Alp und Wirtschaft - separat verpachtet
D' Astrid und Corinne - wirtet mit ganz - viel gspüür
Doch liebi Fraue - üchi Kuchenstuck- sind eifach - viel z'tüür

8.

Im Strassä und Tiefbau - musch viel schwitzä - und au chrampfä
Zum Geld verdienä - chuntsch dänn gli - uf dummi Gedankä
das Kasse stimmt - macht de De Zanet - und anderi - Prisabsprochä
d'Rächnig - für die tüöra Strassä - münd mir alle – über D`stüürä - zahlä

